

ქ. თბილისი

04 ოქტომბერი 2021 წ.

1. მხარეები

წინამდებარე ხელშეკრულება დადებულია 2021 წლის 04 ოქტომბერს, ერთი მხრივ სს „საქართველოს სახელმწიფო ელექტროსისტემა“-სა, წარმოდგენილი მისი დირექტორის შესყიდვებისა და ლოგისტიკის საკითხებში - დირექტორთა საბჭოს წევრის დავით ვარდიაშვილის (მინდობილობა #210506896) სახით (შემდგომში – „შემსყიდველი“) და მეორეს მხრივ შპს „მოურავი“-ს შორის, წარმოდგენილი მისი დირექტორის ვახტანგ კორძაძეს სახით (შემდგომში – „მიმწოდებელი“), რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

2. ხელშეკრულების საგანი

- 2.1. შემსრულებელი ვალდებულია შეასრულოს ქ/ს „გარდაბანი 500“-ის მიმდებარე ტერიტორიაზე სარეკლამო ბანერის აღდგენის სამუშაოები (CPV-45223000) ხელშეკრულების, დანართი #1-ის (ხარჯთაღრიცხვა), დანართი #2-ის (ტექნიკური დავალება) და დანართი #3-ის (სამუშაოთა უსაფრთხოდ წარმოების წესები და პირობები) შესაბამისად;
- 2.2. დანართი #1, დანართი #2 და დანართი #3 წარმოადგენს წინამდებარე ხელშეკრულების განუყოფელ ნაწილს;
- 2.3. წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის „უ“ ქვეპუნქტის შესაბამისად.

3. სამუშაოს ღირებულება და ანგარიშსწორების პირობები

- 3.1 ხელშეკრულების საერთო ღირებულება განსაზღვრულია წინამდებარე ხელშეკრულების დანართი #1-ის (ხარჯთაღრიცხვა) შესაბამისად და შეადგენს 9 440 (ცხრა ათას ოთხას ორმოცი) **ლარს დღგ-ს ჩათვლით** (შემდგომში – „ხელშეკრულების ღირებულება“);
- 3.2 ანგარიშსწორება განხორციელდება ერთ ეტაპად, დასრულებულ სამუშაო(ებ)ზე მიღება-ჩაბარების აქტის გაფორმებისა და საგადასახადო ანგარიშ-ფაქტურის წარმოდგენის შემდეგ 8 (რვა) სამუშაო დღის განმავლობაში;
- 3.3 ანგარიშსწორება განხორციელდება **ლარში**, უნაღდო ანგარიშსწორების ფორმით.

4. მხარეთა უფლება-მოვალეობები

- 4.1 შემსყიდველი ვალდებულია ხელშეკრულებით გათვალისწინებული პირობების თანახმად გადაუხადოს შემსრულებელს დასრულებული სამუშაოს ღირებულება;
- 4.2 შემსყიდველი უფლებამოსილია შემსრულებლისაგან მოითხოვოს სრული ინფორმაცია შესასრულებელი სამუშაოს მიმდინარეობის შესახებ;
- 4.3 შემსრულებელი სამუშაოს ასრულებს წინამდებარე ხელშეკრულების, ხარჯთაღრიცხვის, ტექნიკური პირობებისა და სამუშაოთა უსაფრთხოდ წარმოების წესებისა და პირობების შესაბამისად;
- 4.4 შემსყიდველთან შეთანხმების გარეშე, შემსრულებელს უფლება არ აქვს სამშენებლო-სარეკონსტრუქციო სამუშაოები ან მისი ნაწილი გადასცეს ქვეკონტრაქტორს;
- 4.5 შემსრულებელი ვალდებულია წერილობით აცნობოს შემსყიდველს მოცემული ხელშეკრულების ფარგლებში დადებული ყველა ქვეკონტრაქტის შესახებ და წარმოადგინოს მათთან დადებული ხელშეკრულების ასლები;

ელექტრონული ტენდერი აუქციონის გარეშე NAT210014907 ქ/ს „გარდაბანი 500“-ის მიმდებარე ტერიტორიაზე
სარეკლამო ბანერის აღდგენის სამუშაოების შესყიდვის შესახებ, შემსრულებელი - შპს „მოურავი“

4.6 ამ ხელშეკრულების ფარგლებში დადებული არც ერთი ქვეკონტრაქტი არ ათავისუფლებს შემსრულებელს ხელშეკრულებით გათვალისწინებული მატერიალური ან სხვა ვალდებულებებისაგან. შემსრულებელი ქვეკონტრაქტორ(ებ)ის მიერ შესრულებულ სამუშაოზე ისევე აგებს პასუხს როგორც საკუთარი ძალებით შესრულებულზე. სამუშაოების მიღება-ჩაბარებისას შესრულებული სამუშაოების ვადებზე ასევე ხარისხსა, წინამდებარე ხელშეკრულებით განსაზღვრულ პირობებთან და დადგენილ ტექნიკურ პირობებთან შესაბამისობაზე შემსყიდველის წინაშე პასუხისმგებელია მხოლოდ შემსრულებელი, მიუხედავად იმ გარემოებისა სამუშაოები აწარმოა საკუთარი ძალებით, თუ მესამე პირ(ებ)ის - ქვეკონტრაქტორ(ებ)ის მეშვეობით. საბოლოო ურთიერთობა შემსყიდველსა და შემსრულებელს შორის ხორციელდება ამ კონტრაქტით განსაზღვრული პირობებით;

4.7 შემსრულებელი სამუშაოებს ასრულებს საკუთარ მასალით (მასალები უნდა იყოს ექსპლუატაციაში არ მყოფი, არ უნდა იყოს მეორადი და აღდგენილი) და იგი პასუხს აგებს მის ხარისხზე (იხილეთ სამუშაოების ტექნიკური დავალება);

4.8 შემსრულებელი ვალდებულია ფარული სამუშაოების მიმდინარეობისა და დასრულების შესახებ აცნობოს შემსყიდველს, წინააღმდეგ შემთხვევაში იგი ვალდებული იქნება საკუთარი ძალებით უზრუნველყოს ფარული სამუშაოების ჩვენება, მიუხედავად ფარული სამუშაოების შემდეგ განხორციელებული სამუშაოებისა, ამ ხელშეკრულების 9.5 პუნქტში მითითებული პირობებისათვის. - კონტროლი;

4.9 შემსრულებლის მივლინებულმა პერსონალმა სამუშაოები უნდა შეასრულოს განაწესით ან/და განკარგულებით, წინამდებარე ხელშეკრულების დანართი #3-ში განსაზღვრული სამუშაოთა უსაფრთხოდ წარმოების წესების და პირობების მკაცრი დაცვით.

5. სამუშაოს შესრულების, გარანტიის ვადები და ადგილი

5.1 შემსრულებელი ვალდებულია შეასრულოს სამუშაოები ხელშეკრულების გაფორმებიდან და ობიექტზე დაშვებიდან 14 კალენდარული დღის განმავლობაში. ობიექტზე დაშვების უფლების მისაღებად შემსრულებელი ვალდებულია წერილობით მიმართოს შემსყიდველს ხელშეკრულების გაფორმებიდან არაუგვიანეს 3 სამუშაო დღეში;

5.2 სამუშაოების შესრულება უნდა განხორციელდეს შემდეგ მისამართზე: ქ. გარდაბანი, აღმაშენებლის ქ. #2 - ქ/ს "გარდაბანი 500".

5.3 შესყიდვის ობიექტზე ვრცელდება გარანტია, მიღება-ჩაბარების აქტის გაფორმებიდან 3 წელი;

5.4 საგარანტიო პირობებით განსაზღვრული მოთხოვნები, ძალაშია მთელი საგარანტიო ვადის განმავლობაში, მიუხედავად ხელშეკრულების მოქმედების ვადის ამოწურვისა;

5.5 საგარანტიო ვადის განმავლობაში გამოვლენილი რაიმე ხარვეზის ან შეუსაბამობის შემთხვევაში, შემსრულებელმა შემსყიდველის მოთხოვნის შესაბამისად, საკუთარი ხარჯებით უნდა უზრუნველყოს გამოვლენილი ნაკლის/ხარვეზის აღმოფხვრა ან წუნდებული საქონლის შეცვლა, წერილობითი შეტყობინების მიღებიდან შემსყიდველის მიერ განსაზღვრულ გონივრულ ვადაში, მაგრამ არაუმეტეს 30 (ოცდაათი) კალენდარული დღის განმავლობაში, შემსყიდველის მხრიდან დამატებითი დანახარჯების განწვევის გარეშე;

5.6 წუნის/ხარვეზის/დეფექტის/გაუმართაობის შემთხვევაში საქონლის ტრანსპორტირება უნდა უზრუნველყოს მიმწოდებელმა.

6. სამუშაო ადგილის მომზადება, გარემოს დაცვა

6.1 სახელშეკრულებო ობიექტის სამუშაო ადგილის გამოყოფა შემსყიდველის მოვალეობაა;

ელექტრონული ტენდერი აუქციონის გარეშე NAT210014907 ქ/ს „გარდაბანი 500“-ის მიმდებარე ტერიტორიაზე სარეკლამო ბანერის აღდგენის სამუშაოების შესყიდვის შესახებ, შემსრულებელი - შპს „მოურავი“

6.2 შემსრულებელი პასუხისმგებელია სამუშაოსათვის გამოყოფილი ადგილის გამოყენებაზე და სამუშაოს დასრულების შემდეგ გარემოს საჭირო და სათანადო აღდგენაზე;

6.3 შემსრულებელი პასუხისმგებელია შეასრულოს სამუშაო უსაფრთხო და ეკოლოგიურად მისაღები გზით და ვალდებულია დაიცვას შემდეგი პირობები:

6.3.1. მინიმუმამდე დაიყვანოს მუშაობით გამოწვეული ხმაურის, ვიბრაციისა და მტვერის გავლენა;

6.3.2. სამუშაოს დასრულებისთანავე თავისი ძალებით და სახსრებით გაათავისუფლოს სამუშაო ადგილი მოწყობილობა-დანადგარებისაგან, დროებითი ნაგებობებისაგან, მასალებისაგან და სხვადასხვა ნარჩენებისაგან. საკუთარი ხარჯებით უზრუნველყოს სამუშაო ფართის დასუფთავება, სამშენებლო ნაგვის მოგროვება და ტერიტორიიდან გატანა;

7. სამუშაოს შესრულების წესი

7.1 “მიმწოდებელმა” სამუშაოები უნდა აწარმოოს შემსყიდველის ფუნქციონირებისთვის ნორმალური რიტმის შენარჩუნების პირობებში.

7.2 რემონტთან დაკავშირებული ყველა მასალა (ექსპლოატაციაში არმყოფი, ახალი) შეძენილი უნდა იყოს “მიმწოდებლის” მიერ.

8. ნორმატიული დოკუმენტები

8.1 მუშაობის პროცესში შემსრულებელი ვალდებულია სამუშაოები შეასრულოს ყველა მოქმედი ნორმებისა და წესების მიხედვით. აღნიშნული ნორმებისა და წესების, აგრეთვე სამუშაოთა წარმოების უსაფრთხოების წესების დაცვაზე ან/და მათი შეუსრულებლობის შედეგად დამდგარ შედეგზე პასუხისმგებლობა სრულად ეკისრება შემსრულებელს.

9. ხელშეკრულების შესრულების კონტროლი

9.1 შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი შემსრულებლის მიერ ნაკისრი ვალდებულებების შესრულებაზე;

9.2 შემსრულებელი ვალდებულია საკუთარი რესურსებით უზრუნველყოს შემსყიდველი კონტროლის ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის მიზნით, გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თავად შემსყიდველი;

9.3 შემსრულებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა;

9.4 ამ მუხლის არც ერთი პუნქტი არ ათავისუფლებს შემსრულებელს მოცემული ხელშეკრულების ვალდებულებებისაგან;

9.5 შემსყიდველის მხრიდან ხელშეკრულების შესრულებაზე კონტროლს ახორციელებს სს „საქართველოს სახელმწიფო ელექტროსისტემის“ ინფრასტრუქტურის მართვის განყოფილების უფროსი სპეციალისტი ნოდარ გოზალიშვილი. ხელშეკრულების მე-4 მუხლის 4.9 პუნქტზე კონტროლი დაევალოს სს „სსე“-ს ტექნიკური უსაფრთხოების და ინსპექციის სამსახურის უფროსს **მერაბ კვირიკაშვილს**;

9.6 შემსყიდველის მოთხოვნის შემთხვევაში შემსრულებელი ვალდებულია თავის ან შემსყიდველის მიერ მოწონებულ ლაბორატორიაში, საკუთარი ხარჯებით ჩაატაროს მასალ(ებ)ის ხარისხის ყველა საკონტროლო ლაბორატორიული გამოცდა და შემოწმება მათი გამოყენების ვარგისიანობაზე;

9.7 ხელშეკრულების შესრულების კონტროლი განხორციელდება შესრულებული სამუშაოების მიღება-ჩაბარებისას, შესრულებული სამუშაოების მოცულობისა და ხარისხის მიხედვით. ხელშეკრულების შესრულების კონტროლი ასევე განხორციელდება სამუშაოს შესრულების ვადის დაცვის მონიტორინგით.

10. შესყიდვის ობიექტის მიღება-ჩაბარების წესი

10.1 შესრულებული სამუშაოების მიღება და მიღება-ჩაბარების აქტის გაფორმება განხორციელდება დასრულებულ სამუშაო(ებ)ზე ფაქტობრივად შესრულებული სამუშაო(ებ)ის მოცულობის მიხედვით;

10.2 მიღება-ჩაბარების აქტზე ხელმოწერი პირია სს სსე-ს შესაბამისი დირექტორთა საბჭოს წევრი ან/და შესაბამისი დეპარტამენტის უფროსი;

10.3 სამუშაოს დასრულებისთანავე შემსრულებელმა უნდა აცნობოს შემსყიდველს სამუშაო(ებ)ის დასრულების შესახებ;

10.4 შეტყობინების მიღების შემდეგ შემსყიდველის სამუშაოთა მიმღები ჯგუფი ამოწმებს შემსრულებლის მიერ შესრულებულ სამუშაოთა შესაბამისობას წინამდებარე ხელშეკრულების პირობებთან;

10.5 ხარვეზების აღმოჩენის (წუნდების) შემთხვევაში შემსყიდველი ვალდებულია ოპერატიულად, წერილობითი სახით აცნობოს შემსრულებელს სათანადო ხარვეზების შესახებ (წუნდების არსი). შემსრულებელი ვალდებულია შემსყიდველის წერილობითი მოთხოვნის მიღებიდან მასში ასახულ ვადაში, მაგრამ არაუმეტეს 10 (ათი) კალენდარული დღის განმავლობაში თავისი ხარჯებით აღმოფხვრას ხარვეზი;

11. მხარეთა პასუხისმგებლობა

11.1 შემსრულებლის მიზგით სამუშაოს დაგვიანებით შესრულების, არასრულად, ხარვეზით ან საერთოდ არ შესრულების შემთხვევაში, შემსრულებელი მოვალეა გადაიხადოს პირგასამტეხლო შეუსრულებელი სამუშაოს ღირებულების 0.1%-ის ოდენობით, ყოველ ვადა გადაცილებულ დღეზე, სამუშაოს სრულად და ჯეროვნად შესრულების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება;

11.2 „მიმწოდებელი“ ვალდებულია ხელშეკრულების შეუსრულებლობისთვის გადაიხადოს პირგასამტეხლო ხელშეკრულების ღირებულების 5% -ის ოდენობით.

11.3 ამ ხელშეკრულების 11.1 პუნქტით გათვალისწინებული პირგასამტეხლო შემსრულებელს გადასახდელად დაერიცხება აგრეთვე იმ შემთხვევაში, თუ იგი არ გამოასწორებს საგარანტიო პერიოდის განმავლობაში გამოვლენილ ხარვეზს ამ ხელშეკრულებით საგარანტიო პერიოდში გამოვლენილი ხარვეზის გამოსწორებისთვის დადგენილ ვადებში - შესატყვისი ვადის გასვლიდან ხარვეზის გამოსწორების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება;

11.4 შემსყიდველის მიერ ხელშეკრულებით გათვალისწინებული ფაქტობრივად შესრულებული სამუშაოს ღირებულების ვადაგადაცილებით (არადროულად) გადახდის შემთხვევაში, შემსრულებელი უფლებამოსილია მოსთხოვოს შემსყიდველს პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება;

11.5 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის

ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას;

11.6 შემსყიდველი უფლებამოსილია ფაქტობრივად შესრულებული სამუშაოს ღირებულების ანაზღაურებისას გამოქვითოს (შემაციროს ანაზღაურება) ამ მუხლით გათვალისწინებული და შემსრულებელზე დარიცხული პირგასამტეხლოს თანხა შემსრულებლისათვის გადასახდელი თანხის ოდენობიდან. აღნიშნული გამოქვითვა არ შეიძლება გახდეს შემსრულებლის მხრიდან შემსყიდველისათვის 11.4 პუნქტით გათვალისწინებული პირგასამტეხლოს დარიცხვის საფუძველი.

12. ფორს-მაჟორი

12.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

12.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

13. ურთიერთობა მხარეებს შორის

13.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, ხორციელდება საფოსტო გზავნილის ან ელექტრონული კომუნიკაციის გზით ხელმძღვანელობაზე ან /და წარმომადგენლობაზე უფლებამოსილი პირის ან ამ კონტრაქტის ფარგლებში უფლებამოსილი საკონტაქტო პირების (ელექტრონული კომუნიკაციის შემთხვევაში) მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით;

13.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება;

13.3 ამ მუხლის პირველი პუნქტის მიზნებისთვის ელექტრონული კომუნიკაციის წარმოების პროცესში პასუხისმგებელი პირის დანიშვნა, საკონტაქტო საკითხების მითითებით ხორციელდება მხარის მიერ წერილობითი შეტყობინების საფუძველზე.

14. ხელშეკრულების პირობების შეცვლა და/ან ვადამდე მოშლა

ელექტრონული ტენდერი აუქციონის გარეშე NAT210014907 ქ/ს „გარდაბანი 500“-ის მიმდებარე ტერიტორიაზე სარეკლამო ბანერის აღდგენის სამუშაოების შესყიდვის შესახებ, შემსრულებელი - შპს „მოურავი“

- 14.1 ამ ხელშეკრულებაში ნებისმიერი ცვლილება ან/და დამატება შეიძლება შეტანილი იქნეს მხარეთა წერილობითი შეთანხმების საფუძველზე;
- 14.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა;
- 14.3 ხელშეკრულება შეიძლება ვადამდე მოიშალოს:
- 14.3.1 მხარეთა შეთანხმებით;
- 14.3.2 ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;
- 14.4 შემსყიდველს შეუძლია ხელშეკრულება ვადამდე შეწყვიტოს:
- 14.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 14.4.2 შემსრულებლის გაკოტრების შემთხვევაში;
- 14.4.3 თუ მისთვის ცნობილი გახდება, რომ შემსრულებლის მიერ მოწოდებული ინფორმაცია ყალბი აღმოჩნდება, რაც წარმოადგენს, შემსყიდველის მხრიდან ნდობის დაკარგვის საფუძველს;
- 14.4.4 საქართველოს კანონმდებლობით გათვალისწინებულ სხვა შემთხვევებში.
- 14.5 ამ მუხლის 14.4 პუნქტში მითითებულ შემთხვევებში შემსყიდველი ვალდებულია აუნაზღაუროს შემსრულებელს ფაქტობრივად შესრულებული სამუშაოს ღირებულება.

15. ხელშეკრულების შესრულების შეფერხება

- 15.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით;
- 15.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

16. დავის განხილვა

- 16.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოავგარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ;
- 16.2 თუ ასეთი მოლაპარაკებების დაწყებიდან 30 (ოცდაათი) კალენდარული დღის განმავლობაში მხარეები ვერ შეძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს. დავის განხილვა მოხდება საქართველოს კანონმდებლობის შესაბამისად.

17. ხელშეკრულების მოქმედების ვადები

- 17.1 ხელშეკრულება ძალაში შედის მხარეთა მიერ ხელმოწერისთანავე;

ელექტრონული ტენდერი აუქციონის გარეშე NAT210014907 ქ/ს „გარდაბანი 500“-ის მიმდებარე ტერიტორიაზე
სარეკლამო ბანერის აღდგენის სამუშაოების შესყიდვის შესახებ, შემსრულებელი - შპს „მოურავი“

17.2 ხელშეკრულების მოქმედების ვადა ამონურულად ჩაითვლება აღნიშნული პირობების
შესრულებისთანავე, მაგრამ არაუგვიანეს 2021 წლის 31 დეკემბრის ჩათვლით, ხოლო
საგარანტიო ვალდებულებების ნაწილში საგარანტიო ვადის ბოლომდე.

18. ხელშეკრულების სხვა პირობები

18.1 ხელშეკრულება შედგენილია ქართულ ენაზე;

18.2 ამ ხელშეკრულებით გათვალისწინებულ შემთხვევებში, მხარეები მოქმედებენ
საქართველოში მოქმედი კანონმდებლობის თანახმად;

18.3 წინამდებარე ხელშეკრულებით გათვალისწინებული პირობები შესასრულებლად
სავალდებულოა მხარეთათვის და მათი შესაბამისი სამართალმემკვიდრეებისა და
უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული
ვალდებულებების გადაცემა სხვა მხარისათვის მეორე მხარის წინასწარი წერილობითი
თანხმობის გარეშე;

19. მხარეთა რეკვიზიტები

„შემსყიდველი“:

სს „საქართველოს სახელმწიფო
ელექტროსისტემა“
ქ. თბილისი, ბარათაშვილის ქ. #2
ს/კ 204995176
სს „თი ბი სი ბანკი“
ბანკის კოდი # TBCBGE 22
ანგარიშის# GE02TB0600000102467636

„მიმწოდებელი“:

შპს „მოურავი“
ტელ: 599566898
ფ/მ ქ. თბილისი ლიბანის ქN6 ა
ს/კ 400161579
სს „თი ბი სი ბანკი“
ბანკის კოდი: TBCBGE 22
ანგარიშის# GE86TB7832236080100004

დავით ვარდიაშვილი
დირექტორი შესყიდვებისა და
ლოგისტიკის საკითხებში -
დირექტორთა საბჭოს წევრი

ვახტანგ კორძაძე

დირექტორი

დანართი #1

სსე-ს ქ/ს „გარდაბანი 500“-ის სარეკლამო ბანერის-საყრდენი რკინის კონსტრუქციით აღდგენის
სამუშაოების ხარჯთაღრიცხვა

#	ჩასატარებელი სამუშაოების დასახელება (შეძენა-მონტაჟი)	განზ. ერთეული	მოცულობა ან რაოდენობა	ერთეულის ფასი დღგ-ს გარეშე ლარი	საერთო ფასი დღგ-ს გარეშე ლარი
1	დაზიანებული სარეკლამო ბანერის (4,20X2,50) და ისრის 1,50 გრძ/მ დემონტაჟი	კომპ	1	320.00	320.00
2	დაზიანებული ლითონის მზიდი კონსტრუქციის დემონტაჟი	გრძ/მ	18	10.00	180.00
3	ქვაბულის ამოღება მზიდი კონსტრუქციის მოსაწყობად (08X08X1,20)	მ³	2.7	105.00	283.50
4	ქვაბულში 10-სმ-იანი ხრეშის ბალიშის მოწყობა	მ³	0.3	45.00	13.50
5	დ-80-110 იანი ვერტიკალური მილების მონტაჟი, შეღებვა სრულ დაფარვამდე	გრძ/მ	14	50.00	700.00
6	დ-60-90 იანი განბრჯენი მილების მონტაჟი შეღებვა სრულ დაფარვამდე	გრძ/მ	17	45.00	765.00
8	არსებული მზიდი კონსტრუქციის ბეტონირება	მ³	3.2	227.485	727.95
9	დაზიანებული ისრის და ბანერის აღდგენა და მონტაჟი მზიდ კონსტრუქციაზე (ტექნიკური დავალების შესაბამისად)	კომპ	1	4 000.00	4 000.00
ჯამი					6 989.95
ზედნადები ხარჯები 9%					629.10
ჯამი					7 619.05
გეგმიური დაგროვება 5%					380.95
საერთო ღირებულება დღგ-ს გარეშე					8 000.00
დღგ 18%					1 440.00
მთლიანი ღირებულება დღგ-ს ჩათვლით					9 440.00

„შემსყიდველი“:

სს „საქართველოს სახელმწიფო
ელექტროსისტემა“

„მიმწოდებელი“:

შპს „მოურავი“

დავით ვარდიაშვილი
დირექტორი შესყიდვებისა და
ლოგისტიკის საკითხებში -
დირექტორთა საბჭოს წევრი

ვახტანგ კორძაძე

დირექტორი

დანართი #2

ტექნიკური დავალება

1. „მიმწოდებელმა“ სამუშაოები უნდა აწარმოოს შემსყიდველის ფუნქციონირებისთვის ნორმალური რიტმის შენარჩუნების პირობებში.
2. მზიდი კონსტრუქციის ყველა მასალა (ექსპლოატაციაში არმყოფი, ახალი).
3. სარეკლამო დაფის ერთ სწორ სიბრტყეში გასწორება, წინა და უკანა დაზიანებული ფენის მოხსნა, ამ ორი სიბრტყის გადანებება სპეციალური არმირებული მინაბოჭკოვანი პოლიესტერის ფენებით, სიხისტის წიბოებით ისე, რომ შეიქმნას ერთი მთლიანი მასა, რომელიც გაუძლებს ატმოსფერულ ნალექებს, მზეზე არ გახუნდება, არ დაიკანრება, აიტანს პოლირების სამუშაოებს, ახალი ფენის დასხმა და პოლირების სამუშაოები ისე უნდა ჩატარდეს, რომ გამოვიდეს ერთი მთლიანი პრიალა ზედაპირი გადაბმების და ტექნოლოგიური ხარვეზის გარეშე (ასოების და მანიშნებლების ფერის შენარჩუნებით).
4. დაზიანებული ისრის დემონტაჟი, ზედაპირის შეცვლა ახლით და სარეკლამო დაფაზე მონტაჟი.
5. მზიდი კონსტრუქცია მდგრადი უნდა იყოს ძლიერი ქარის მიმართ.

სამუშაოთა მიღება-ჩაბარების წესი

1. „მიმწოდებელმა“ „შემსყიდველს“ უნდა აცნობოს სამუშაოების დასრულების შესახებ.
2. „შემსყიდველის“ სამუშაოთა მიმღები ჯგუფი ამოწმებს შესრულებულ სამუშაოთა შესაბამისობას წინამდებარე ხელშეკრულების პირობებთან.
3. „შემსყიდველს“ და „მიმწოდებელს“ შორის ფორმდება მიღება-ჩაბარების აქტი ფაქტიურად შესრულებულ სამუშაოებზე.

„შემსყიდველი“:

სს „საქართველოს სახელმწიფო
ელექტროსისტემა“

„მიმწოდებელი“:

შპს „მოურავი“

დავით ვარდიაშვილი
დირექტორი შესყიდვებისა და
ლოგისტიკის საკითხებში -
დირექტორთა საბჭოს წევრი

ვახტანგ კორძაძე

დირექტორი

დანართი #3

სამუშაოთა უსაფრთხოდ წარმოების წესი და პირობები

ს.ს. „საქართველოს სახელმწიფო ელექტროსისტემის“-თვის, ქ/ს „გარდაბანი 500“-ის
მიმდებარე ტერიტორიაზე სარეკლამო ბანერის აღდგენის სამუშაოების შესყიდვასთან
დაკავშირებით;

1. მომსახურების მწარმოებელი საწარმო ვალდებულია, სამუშაოები ჩაატაროს საქართველოს მოქმედი კანონმდებლობის და ასევე, შემდეგი ნორმატიული აქტების მოთხოვნების განუხრელი დაცვით: 1) საქართველოს მთავრობის 2015 წლის 23 ივლისის N370 დადგენილებით დამტკიცებული ტექნიკური რეგლამენტი – „სახანძრო უსაფრთხოების წესების და პირობების შესახებ“; 2) საქართველოს მთავრობის 2007 წლის 4 ივლისის N 134 დადგენილებით დამტკიცებული „ელექტრონული საკომუნიკაციო ქსელების სახაზო ნაგებობების დაცვის წესი და მათი დაცვის ზონები“; 3) საქართველოს ორგანული კანონი, შრომის უსაფრთხოების შესახებ.
2. ობიექტზე დაშვებისათვის მწარმოებელი საწარმო ვალდებულია, სამუშაოების დაწყებამდე არანაკლებ 5 (ხუთი) სამუშაო დღით ადრე სსე-ს წერილობით მიაწოდოს სამუშაოს უსაფრთხოდ ჩატარებაზე პასუხისმგებელ მივლინებულ პირთა სია: გვარების, ინიციალების, პირადობის მოწმობის პირადი ნომრების, თანამდებობების, მათთვის მინიჭებული უფლებების (სამუშაოთა ხელმძღვანელი, სამუშაოთა მწარმოებელი, მეთვალყურე, ბრიგადის წევრი) მითითებით;
3. ხელშეკრულებით განსაზღვრული მომსახურების მწარმოებელი ორგანიზაცია ვალდებულია გააჩნდეს შრომის უსაფრთხოების სერტიფიცირებული სპეციალისტი ქვეყანაში მოქმედი კანონის მიხედვით;
4. მომსახურების მწარმოებელმა საწარმომ მომსახურების უსაფრთხოდ წარმოების წესის და პირობების საფუძველზე, უნდა წარმოადგინოს მომსახურეობის წარმოებისათვის რისკების შეფასება, რომელიც ეფუძნება შრომის საერთაშორისო ორგანიზაციის მიერ აღიარებულ მეთოდოლოგიას და მოიცავს მომსახურეობის სივრცეში დაკავშირებული საფრთხეების იდენტიფიცირებას, ანალიზს, შეფასებასა და პრევენციული ღონისძიებების განსაზღვრას.
5. ობიექტზე დაშვებისას ყველა მივლინებულმა პირმა/მუშაკმა სავალდებულოდ თან უნდა იქონიოს პირადობის დამადასტურებელი დოკუმენტი (მოწმობა/პასპორტი);
6. მომსახურების მწარმოებელმა საწარმომ, ახალი კორონავირუსით გამოწვეულ ინფექციასთან (COVID-19) დაკავშირებით დაიცვას ზოგადი რეკომენდაციები; აწარმოოს პერსონალის ჯანმრთელობის კონტროლი, შესაბამის ჟურნალში გაფორმებით. მათ შორის აკონტროლოს; დამცავი საშუალებებით აღჭურვა, სოციალური დისტანცირება, გადაადგილების წესები, პერსონალის ტემპერატურული სკრინინგი, ასაკობრივი დაავადებების რისკები;
7. მივლინებული საწარმოს მუშაკი ობიექტზე არ დაიშვება იმ შემთხვევაშიც, თუკი მისი პიროვნება (სახელი, გვარი და პირადი ნომერი) არ აღმოჩნდება ობიექტზე გადაცემულ სიაში;
8. დაშვებამდე, მივლინებულმა პირებმა ერთჯერადად უნდა გაიარონ შესავალი და პირველადი ინსტრუქტაჟები ჟურნალში გაფორმებით. აღნიშნული ინსტრუქტაჟები წარმოადგენს ადგილობრივ თავისებურებათა და გამოყოფილ უბანზე საშიში გარემოებების/ფაქტორების შესახებ ინფორმირებას;

9. სამუშაოთა შემსრულებელი ვალდებულია მის მიერ გადმოცემულ პერსონალის **სიაში ცვლილების აუცილებლობის შესახებ ინფორმაცია**, წერილობით აცნობოს ს.ს. „საქართველოს სახელმწიფო ელექტროსისტემის“ (სსე) ამ პერსონალის ობიექტზე დაშვებამდე არანაკლებ 2 (ორი) სამუშაო დღით ადრე;

10. მივლინებულ პირებისთვის სსე უზრუნველყოფს აუცილებლობის შემთხვევაში შენობაში არსებულ კომუნიკაციებთან (ელ-ენერგია, წყალი და ა.შ.) წვდომას.

11. მივლინებულმა პირებმა სამუშაოები უნდა აწარმოონ გამოყენებისათვის ვარგისი დამცავი სათვალის, ხელთათმანების და სხვა აუცილებელი დამცავი საშუალებების სავალდებულო გამოყენებით. აღნიშნული საშუალებები ობიექტზე დაშვებისას თან უნდა იქონიონ/მოიტანონ მივლინებული საწარმოს მუშაკებმა.

12. მივლინებული პირები შემოსილი უნდა იყვნენ შესაბამისი სამუშაო სპეც. ტანსაცმლით და ფეხსაცმლით, ხოლო სამუშაოები უნდა აწარმოონ აუცილებელი ინდივიდუალური დამცავი საშუალებების სავალდებულო გამოყენებით (დამცავი ჩაფხუტი, სათვალე, ხელთათმანები და სხვა). აღნიშნული საშუალებები ობიექტზე დაშვებისას თან უნდა იქონიონ (მოიტანონ).

13. მივლინებულ პირებს, სსე-ს ობიექტების ტერიტორიაზე მკაცრად ეკრძალებათ ნებისმიერი ზომისა და სახეობის ცივი, ცეცხლსასროლი, გაზის, პნევმატური, სათამაშო/სასწავლო და სხვა სახის იარაღის, საბრძოლო მასალების (მათ შორის, სასწავლო/სათამაშო ნიმუშების), ნებისმიერი სახეობისა და რაოდენობის ასაფეთქებელი, მომწამვლელი ან/და ადამიანებისა და გარემოსათვის საშიში სხვა ნივთიერებების, აგრეთვე, ნარკოტიკული/ფსიქოტროპული საშუალებების და ალკოჰოლური სასმელების შეტანა;

14. აკრძალულია, სსე-ს ობიექტებზე გამოცხადება ნასვამ (ალკოჰოლური ზემოქმედების) მდგომარეობაში, ფსიქოტროპული ან/და ნარკოტიკული ნივთიერებების ზემოქმედების ქვეშ. ნებისმიერი ზემოთ აღნიშნული მოთხოვნიდან ერთ-ერთის დარღვევის გამოვლენის შემთხვევაში მივლინებული მუშაკი არ დაიშვება ობიექტზე, ხოლო პასუხისმგებელ პირებს დაეკისრებათ შესაბამისი სამართლებრივი პასუხისმგებლობა;

15. ობიექტზე დაშვებული ყველა მივლინებული პირი ფიზიკური/ფსიქიკური მონაცემებით უნდა შეესაბამებოდეს მათ მიერ შესასრულებელ სამუშაოს, უნდა იყოს ჯანმრთელი და გავლილი უნდა ჰქონდეთ ჯანმრთელობის სამედიცინო შემოწმება;

16. ობიექტზე დაშვებას განწესის მიხედვით ასრულებს სსე-ს წარმომადგენელი (დამშვები), მოქმედი წესების შესაბამისად;

17. ყველა სპეციალური სახის სამუშაოებში მონაწილე პირებს გავლილი უნდა ჰქონდეთ ცოდნის საკვალიფიკაციო შემოწმება, მინიჭებული უნდა ჰქონდეთ არანაკლებ უსაფრთხოების II (მეორე) საკვალიფიკაციო ჯგუფი (ბრიგადის წევრებს), არანაკლებ უსაფრთხოების III (მესამე) ჯგუფი მეთვალყურეს. განკარგულებით ჩასატარებელი სამუშაოების შემთხვევაში სამუშაოთა მწარმოებელს უნდა ჰქონდეს არანაკლებ III (მესამე) ჯგუფი, ხოლო განწესის შემთხვევაში – არანაკლებ IV (მეოთხე) ჯგუფი. სამუშაოთა ხელმძღვანელის დანიშვნის შემთხვევაში, მას უნდა ჰქონდეს უსაფრთხოების V (მეხუთე) ჯგუფი;

18. მაღლივი სამუშაოები უნდა ჩაატარონ მოსიმაღლეებმა (მემალლივე, ზემცოცი). აღნიშნულ სამუშაოებში მონაწილე პირებს (ბრიგადის წევრებს) გავლილი უნდა ჰქონდეთ ცოდნის საკვალიფიკაციო შემოწმება, უნდა ფლობდნენ მაღლივი სამუშაოების წარმოების თეორიულ და პრაქტიკულ უნარ-ჩვევებს. ამასთან, ვინაიდან, მაღლივი სამუშაოები წარმოადგენს სპეციალურ სამუშაოებს, სპეციალური სამუშაოების ჩატარების უფლების მქონე მომუშავეებს მოწმობაში უნდა ჰქონდეთ გაკეთებული შესაბამისი ჩანაწერი

(საქართველოს მთავრობის 17.12.2013 წლის N340 დადგენილებით დამტკიცებული წესების მე-4 მუხლის მე-5 პუნქტის მოთხოვნა);

19. მივლინებულ პირებს ეკრძალებათ ობიექტზე ნებისმიერი სახის (ღია, დახურულ ან/და კომპლექტურ) ელექტრო გამანაწილებელ მოწყობილობებში შესვლა, ასევე სხვა საწარმოო სათავსოებში თუ ტერიტორიაზე მოძრაობა (გარდა უშუალოდ მათთვის გამოყოფილი სამუშაო და სამოძრაო ადგილისა), დათვალიერება ან რაიმე სამუშაოების ჩატარება;

20. მივლინებულმა პირებმა მომსახურების განვების ადგილზე უნდა უზრუნველყონ საქართველოში მოქმედი სახანძრო უსაფრთხოების წესების მოთხოვნათა განუხრელი დაცვა. მომსახურების განვების დროს აკრძალულია ფეთქებადი და ადვილად ალღებადი ნივთიერებების გამოყენება. მომსახურების განვებისას მიღებული და დაცული უნდა იყოს აფეთქება და ხანძარსაწინააღმდეგო ზომები. მივლინებულ პირებს ობიექტის ტერიტორიაზე ეკრძალებათ თამბაქოს მოწევა, გარდა სპეციალურად საამისოდ გამოყოფილი ადგილებისა;

21. სამუშაო ადგილზე/გამოყოფილ უბანზე უსაფრთხოების ტექნიკის და სახანძრო უსაფრთხოების წესების დაცვაზე, მივლინებული მუშაკების უსაფრთხოდ მუშაობაზე და მათი კვალიფიკაციის შესაბამისობაზე ჩასატარებელი სამუშაოს სპეციფიკასთან, სრული პასუხისმგებლობა ეკისრება მიმავლინებელ საწარმოს. ამასთან, მივლინებული პირები ვალდებული არიან მკაცრად დაიცვან სამუშაო ადგილებზე არსებული მოწყობილობა-დანადგარების, აპარატურის, კომპიუტერული და სხვა აღჭურვილობის მუშაობის დადგენილი რეჟიმები და თავიანთი ქმედებებით არ გამოიწვიონ რაიმე შეფერხებები;

22. სამუშაოების წარმოებისას აკრძალულია ძირითადი და საევაკუაციო გზების სხვადასხვა მასალით, ნაკეთობებით, მოწყობილობებით, ნარჩენით და სხვა საგნებით ჩახერგვა. ნარჩენების გატანა უნდა განხორციელდეს ყოველდღიურად და არ მოხდეს მათი დაგროვება ობიექტზე;

23. სამუშაო დღის განმავლობაში შესვენების დროს (შესვენება სადილზე, მუშაობის პირობებით გამოწვეული შესვენება და სხვა) ბრიგადა გამოყვანილი უნდა იქნას სამუშაო ადგილიდან. ბრიგადის წევრებს შესვენების შემდეგ უფლება არა აქვთ სამუშაოს მწარმოებლის (მეთვალყურის) გარეშე დაბრუნდნენ სამუშაო ადგილზე. შესვენების შემდეგ დაშვებას ახორციელებს სამუშაოს მწარმოებელი (მეთვალყურე) განწესში გაუფორმებლად.

24. მომსახურების სრულად დამთავრების შემდეგ სამუშაოთა მწარმოებელმა უნდა გაიყვანოს ბრიგადა მომსახურების განვების ადგილიდან, ტერიტორია მოაწესრიგოს, მოხსნას მხოლოდ ბრიგადის მიერ დაყენებული დროებითი შემოღობვები და უსაფრთხოების გადასატანი პლაკატები. და აცნობოს სსე-ს მხრიდან გამოყოფილ შესაბამის პერსონალს.

25. წინამდებარე „სამუშაოთა უსაფრთხოდ წარმოების წესი და პირობები“ ძალაშია სსე-ს და სამუშაოთა შემსრულებელ საწარმოს შორის დადებული შესაბამისი ხელშეკრულების მოქმედების ვადით.

„შემსყიდველი“:

სს „საქართველოს სახელმწიფო
ელექტროსისტემა“

„მიმწოდებელი“:

შპს „მოურავი“

დავით ვარდიაშვილი
დირექტორი შესყიდვებისა და
ლოგისტიკის საკითხებში -
დირექტორთა საბჭოს წევრი

ვახტანგ კორძაძე

დირექტორი